



مركز الكتاب للبحوث والدراسات | بوصاصو - الصومال

2019 أبريل

## TAXANAHA KASMO & KASIIS – QAYBTA 4<sup>aad</sup>

ABWAAN MAXAMUUD CALI AADAM HOORRI

TAXANAHA  
KASMO &  
KASIIS  
QAYBTA 4AAD

---

Abwaan,

Maxamuud Cali Aadan Hoorri Gacan-yare



**TUSMADA TAXANAHA  
KASMO &  
KASIIS  
QAYBTA 4AAD**

- 1. UJEEDDO**
- 2. HORDHAC**
- 3. SOOYAALKA DHIRTA**
- 4. SOOYAALKA AGABKA SOOMAALIDA**

**TIXRAACA TAXANAHA KASMO & KASIIS QAYBTA 4AAD**

- 1. DIWAANKA DUR-BAAN GARASHO .CABDUQAADIR CABDI { SHUBE}**
- 2. DIIWAANKA HABE HAL-ABUUR IYO HOWRAAR” MAXAMUUD CALI AADAN { HOORRI}**
- 3. SAMA-DOON: WAXA QOARAY ABWAAN ISMAACIILYUUSUF CABDI “ JIHEEYE**
- 4. DIIWAANKA” DURBAAN GARASHO. WAXA QORAY: ABWAAN CABDULQAADIR CABDI SHUBE**
- 5. WARAYSI AAN LA’ SAMEEYEY , AABBE CALI AADAN HOORRI GACAN-YARE**
- 6. WARAYSI AAN LA’SAMEEYEY, ABWAAN CABDIRAXMAAN CALI FAARAX DHIIRANE**

## UJEEDEKA TAXANAHA KASMO &KASIIS

Ujeedaka Taxanaha **KASMO &KASIIS** waa mid ka dhashay muddadii aan ku dhex-jirey shaqada “**Wax-barashada**” waxa aan u hubaynaya ama ku Abaalaynaya Taxanahan, Ardayda soomaaliyeed ee wax ka Barata Dugsiyada dhexe, Dugsiyada sare iyo Jaamacadaha ka dhisan dalka soomaaliya.

Wax aan qirayaa inaan u Baahannahy Olole xoog leh, oo lagu baahinaayo Aqoonta Af-ka iyo Dhaqanka suuban, jaalle waxa aan qirayaa inaan Af-ku qabyo ahayn ee Aqoontu ay qabyo tahay, and Taasuna waa midda keenaysa inaan suudameedka u xidhano sidii loo helilahaa kasmoo iyo Kasiis ku dhaadan garasho iyo gudasho buuxda.

Taxanahani waxa uu buuxin doonaa kaalin mug leh , *Misciriir “misciliil”* bannaan , sidoo kale waxa uu Raar u Noqonaya Gortimo aan laga gubikarin , oo weliba u baahan in loo yagleelo Raar si loo helo waddo Maaro ah , oo markaa si sahlan looga gudbi karo, jaalle dhaqanku waxa uu u baahan-yahay Oollimaad Cilmiyeesan iyo Degel baadh ku qotoma Raad-raac iyo u guurgal Aqoomeed, Markasta oo Aadanuhu uu ku dhowaado Kadimada Aqoonta waxa uu u dhowaanayaa hilinka Nololaha iyo hab-raaca loogu noolyahay

## HORDHAC

Taxanaha *kasmo & kasii* tirsigiisa 4aad , waxa aan ku eegaya jaalle riciradan soo socda oo kala: *sooyaalka dhirta* , *sooyaalka Agabka soomaalida* , inagoo iftiiminayna ama ku turun-turooneena wixii aan ka garano. dhirtu waxa ay ka mid tahay hantida ay leedahay soomaalidu, waagii hore waxa ay dhirtu ku jirtey kaalinta koowaad dhanka nolosha iyo dhaqankaba , waayadan dame jaalle waxa muuqata in loo guntadey qaabkii loo xaalufin lahaa dhirta.

Sidoo kale jaalle waxa aan ku eegaya tirsigan wixii aan ogaal iyo aqoon ka gaarno *{agabka soomaalida}* soomaalidu waxa ay lahayd jaalle sanco ku qotonta farsamo iyo farshaxan buuxa, waa hagaage jaalle waxa aan u baahanahay oollimaad iyo olole lagu baafinayo agabka soomaalida.

waxa aan ku soo qaadanaya hordhacan maanso aan curiyey 5-12-`2015 , waxa aan kaga hadlaya qiima dhaca lagu sameeyey dhirta , jaa waa *geedkii laquursaday* ! oo hadlaaya cabbiraaya dhibka loo geystey ! waa kan jaalle leh : ku maan ahay! waa maxay u jeedaaddu? “hadalka dhayda ka cadday” ! magacaygu waa gee , geed gaasiraan ahay! ogow waxaan ahay caawiye aan la’ogayn , kaa soo u baahan hiil “*qaran*” *iyo hoo “waayeel”!* waa hagaag ! igu soo dhowow aan gaa-gaabsi kuugu sheegee waxa ka guuxaaya dubaaqayga iyo damiirkayga garasho, “hiil waa hiil” “tacabna yeelkii”

Gallad” waliba Ehelkeed  
 Guul” waliba Dowgeed  
 Gego” waliba luuqdeed  
 Gocor” waliba sebenkii  
 Guurti” waliba Doodeed  
 Gammaan” waliba Orodkii  
 Geel” waliba Socodkii  
 Gidir” waliba Xoorkii  
 Gur-gurshaa” Minqaadkii  
 Geed” waliba Hooskii  
 Garaad” waliba Dhimirkii

Garashona” yagleelgeed  
 Waxaan uga Goleeyahay  
 Geed la quur-sadaan ahay  
 Gabayaa Af-kala qaad  
 Geeraarshihiiyow!  
 Maadigaa hal-kaagii gabay  
 Mase Waa Gartaayoo  
 Wax ku Gaasiraajidha  
 Maya waa Gardaranahay!  
 Saryan Gees xunbaan ahay?  
 Geenyo hebeda loo dhigo!

Afartaa Geddaydiyo  
 Dheha Gocoshadaydii  
 Geed la quur-sadaan ahay  
 Aan Galab-carroownee  
 Owrka Gibilka Noosaar  
 Waa Guri la'gubayoo  
 Bahaluhu ka Guuxaan  
 Godxunbaan u hoydaa  
 Garan-goorri lagu Gubay  
 Dulinkuna Gun iyo hoos  
 Guunyada ku cirintiro  
 Gafanaan laderis ahay  
 Aan wada sar-Goynee  
 Ila Garo Geddaan rabo  
 Sida webi Ganaanoo  
 Geesaha u kala Baxay  
 Gufaacooyinkii Mari!!  
 Ama Dir Gu' hooroo  
 Dhowr Godol irmaanaa  
 Guulaamo Roob kici!

Geddakale waxay tahay?  
 Gurboodkiyo Dhallaankiyo  
 Ganbooleyda dumarkiyo  
 Garcaddaale Odayada  
 Gaarsii sidaan ahay!  
 Gaagaabsi ugu sheeg  
 Inaan ahay Gasiin dhaba  
 Xilli Gaajo Badantahay  
 Geydhadu dul Gubantahay  
 Giindhadu silloontahay  
 Adhigana la Gowracan  
 Dadku waygu Gaataan  
 Gabanadaa Ihaybsada!  
 Miraa layga Guran jiray

Maantana waxaan Gudo?  
 Ama hiil waxaan Galo?  
 Miyaad Garan kareysaa?  
 Afartaa Geddaydiyo  
 Dheha Gocoshadaydii  
 Geed la quur-sadaan ahay  
 Gudbi oo ka sii soco!  
 Giraangiri waxaan rabo  
 Adigoo Garaaddo leh  
 Garta meel ka wada Goy  
 Gacalkana la' haasaow  
 Garashadana igu hubi!  
 Gaagaabsi ugu sheeg  
 Bir ma' Geydo inaan ahay  
 Inaan ahay gabbad dhaba  
 Guunyadu ku hiratee  
 Geddakale waxay tahay?  
 Aadanow gefbaa dhacay  
 Garangari ma'roorbaa  
 Geyllan dumar doogaa?  
 Gaaggaxo ma'dararbaa?  
 Geelwaaq ma'daranbaa?  
 Geeraar ma'gabaybaa?  
 Guuroow ma'heesbaa?  
 Gayradaac ma, subaxbaa?  
 Gowricis ma, nololbaa?  
 Garwaansigu ma'gaajaa  
 Gardho geel ma'suufbaa?  
 Galtinnimo ma'diidbaa?  
 Gelbis dhacay ma, reenbaa?  
 Galoof geel ma'ramagbaa?  
 Xiddiggii gal-gaalbaa  
 Galowkooma keenee  
 Gabbal dhiciyo waaberi  
 Gocashaan ku suganahay

Ninna Gaar igama hayn  
 Ninna Godin igama Deyn!  
 Ninna Qodax igama Gurin!  
 Hadaba galabtiyo wax hore  
 Diiwaaanka galgiisa furay  
 Markaan geed mirood iyo  
 Galool mudan ahaan jirey  
 Ama gomonshe miidliyo  
 Gob- macaan ahaan-jirey  
 Gudbe maalmihii hore  
 Guluf iyo col bay helay  
 Guxushaa u weyn yahay  
 Talo wuxuu gorfeeyoba  
 Gowsaha is-dhaafshoba  
 Illey waa Garaad-xume  
 Goobtuu is-taagoba  
 Dadka wuxuu gooyaa  
 Xujo garab ka dhigayaa  
 Geedahaa ilaahaay  
 Geyigeena Buuxshee  
 Asay uu miciin galay  
 Ma' gefbaan ku gelayaa?

Haddii aan Gumaadoo  
 Guuto aan ku kiciyoo  
 Gabanada ku soofsho  
 Gamasyada uwada tumo  
 Gurtun melena kaga tegin  
 Dabadeed gabbaloyo  
 Geyigii la'degijirey  
 Guban iyo abaar galo

Hayeeshee Bal-Googaa?  
 IGa-gunud u jeedadaa!  
 Hal-xiraale Gaammuray?

Gacalka aan u sheegnee?

Waa maxay gahayroow  
 Gaabisada haweenkee  
 Gurigeeda laga falay  
 Gaadhi soo kiraysoo  
 Markay geniyo dhiibtona  
 Dhirta geed ka reebay?

Waa maxay gahayroow  
 Iyadoo gu' lagu jidho  
 Geelu Badina uu dhalo  
 Ramaguna guryaha yaal  
 Dhuxushaa gureysaan?

Waa maxay gahayroow  
 Dhaqan guur nagu dhacay  
 Gu'gu maalintuu da'o  
 Dhulkii giigsanaajirey  
 Guunyada dhammaanteed  
 Guri laga furi-jirey  
 Markii guur yimaadona  
 Gabdhaheena hodonka ah  
 Geel lagaga Bixi-jirey  
 Gelbis uu ka dhici-jirey  
 Sange lagu gardaadshiyo  
 Googooska Quruxdiyo  
 Ashaqaraar la'gu ijirey

Waa maxay gahayroow  
 Gaarigaa la dhaafsaday?

Waa maxay gahayroow  
 Geel raashin lagu qoro?

Waa maxay gahayroow  
Gaal maciin labidayaa?

Waa maxay gahayroow  
Gabanadan tahriibta ah

Waa maxay gahayroow  
Geyaankan lagaramay?  
Oo aan laga gilgilanayn

Waa maxay gahayroow  
Nimankan gujada wada  
Gafuurkooda qariyee  
Is gadoodsha dabadeed?

Geed-yohow bal Geeloo!  
Geed -hoyow la Gaasiray  
Geed-yohow la Dhaawacay  
Geed-yohow la Quursaday  
Geed-yohow la Eersaday  
Geed-yohow la Agabtiray  
Geed –yohow hu’ gii dhigay  
Geed-yohow gadoodsani  
Oraah Gaammuraa tidhi  
Gujoo laysu qariyaa  
Gacma, Daalis weeyaan  
Aan kuu Garaabee  
Gartaa aan ku siiyee  
Gebigeed Adduunyadan  
Guryasama laga degay  
Gundhigeeda Xaajada

Ninba Geyi ha sheegtee  
Ama Gobol hajoojee  
Geesaha markaan Da’yey

Garashana Gun uga dhigay  
Miisaanka Gabaygiyo  
Milgihiisa Gocashada  
Anigoo ka Gaggixin  
Ama Godol macaantirn  
Adigana ku Garab Marin  
Dadku waa Gun badatiyo  
Gob-yaraatayweeyaan



## SOOYAALKA DHIRTA

Dhirtu waa jaad ka mid ah makhluuqaadka eebbahay ku uumay dhulka gorgiisa, waana hal-bowlaha nolosha aadanaha iyo duunyada ku dhexsocota dhulka oogadiisa, dhammaan san-kuneele oo idil waxaan shaki kujirin in uusan ka maarmikarin ku xirnaanta dhirta iyo ku tiirsanaanteeda, soomaalidii hore iyo quruumihii soo maray adduunka dhammaantood waxay ahaayeen kuwo ku dhaaadaan dhirta oo ka hela: miro, cunto, hu' ama dhar, hoy ama gabbaad, agab ama qalab, hub iyo saanad, weel , isagoo tilmaamaya abwaan *cali cilmi af-yare* waxa uu yidhi:

Adigoo dhalandhoolayoo  
 Dharaartu ay kululaatayoo  
 Dhafoorkaagiyo jiidhka,  
 Dhididku uu qulqulaayoo  
 Dhalcaddaad ka gashaayoo,  
 Dhirtu waa nolosheenna  
 Qabow dhuuxa laftaadiyo  
 Dhogortaada dilaayiyo  
 Dhaxantay kaa celisaayoo  
 Dhanbal aad huwanaysiyo  
 Dhar bay kuu noqotaayoo,  
 Dhirtu waa nolosheenna.  
 Marna dhuuni la quutiyo  
 Dhuguc aad u bislaadiyo  
 Midhay kuu dhalayaanoo  
 Dhibtu kaaga hadhaayoo,  
 Dhirtu waa nolosheenna.  
 Dhulkoo roobku ka raagayoo  
 Abaar laysku dhammeeyaa  
 Dhaameelkoodiyo xaygiyo

Dhimbiishii ku qabowday,  
 Dhaayinkay bixiyaan baa  
 Reerku kuu dhacartaayoo,  
 Dhirtu waa nolosheenna.  
 Dhafkaa hawdkiiyo soolka,  
 Hadday dheer tahay ooddu,  
 Dhoolla-weyne libaax iyo  
 Dhurwaagii wax cunaayiyo  
 Dhawrtu soo Mari maysoo  
 Waa dhis aan laga maarminoo,  
 Dhirtu waa nolosheenna.  
 Marna dhuub la xiddeeyiyo  
 Dhigtii laysku maraayiyo  
 Udub dhiig cas la moodiyo  
 Dhenged aad u qurxoon iyo  
 Xabag kuu dhadhamaysiyo  
 Wax uun baad ka dhurataayoo  
 Madhax weeye dhitaysanoo  
 Dhirtuwaanolosheenna

dhirtu “<sup>1</sup>” waa lafdhabarta uu ku tiirsanyahay aadanuhu iyo xoolaha kaleba, hadaba waxaa la ogyahay d hulkale leh dhirta in uu ka waansan yahay dhulka kale, taa soo laga helo, qurux, dugsi, ama laga samayyo dhirta daawo, agab, iyo wixii

<sup>1</sup>: waxaa loo qaybshaa dhirta Afar qaybood oo waaweyn .geed mirood, geed quwaax, geed qodxeed,geed madow

la'halmaal, sidoo kale soomaalidii hore oo ahayd dad ku nool dhul bahgooyo ah, iyagoo ka hel jiray dhulka am aka dhigan jiray , baadka biyoba, huga,hoyga, marashada, quwaaxaysiga iyo qaraabka,waxaa jirtay dhirfarabadan oo lagu tiirsanaa dhammaan qaybaha nolosha isda: *geed quwaac, geed mirood, geed xabkeed iyo geeed leh jilif ama jilay.*

#### **DHIRTA XABAGTA LEH**

**Qaydar:** waa geed qodxeed, oo leh xabag macaan, **Qurac:** waa deed ku badan dhulka kana yaray damalka, **Damal:** waa geedku badan dhulka lehna xabag miid leh, **Cadaad:** waxa ay ka baxdaa baadiyaha macagta waxa ayna leedahay xabag miid-badan oo loo adeegsado daaweeynta cudurada.

#### **DHIRTA LEH CAANAHA AMA CANNANAD**

**Moxor:** waxaa laga guraa beeyo, **Maydi:** waxaa laga guraa beeyo, **Xiis:** waxaa laga guraa murkud, **Geedgaal:** waxaa laga guraa falax-flax waana beeyadoo kale ah, **Dhidin:** waxaa laga gurtaa “muurre” ama “mal-mal”

#### **DHIRTA LAGA HELO MIRAHA**

Qaybtani waa qaar ka mid ah dhirta laga helo miraha, ku waa soo lagu doogo xillyada ay jidho abaarto, sidoo kale waxaa lacunaa xilliyada barwaaqada, waxaana ka mid ah kuwan soo socada

**Gob:** waxa uu leeyahay Miro guduun oo laf leh, waana geed aad iyo aad umiro macaan. Soomaaliduna sigaar ah u ilaashaan, waxaa kaloo laga helaa ama lagadhigtaa qasil ama sidri

**Gobonshe:** waxa uu leeyahay Miro, macaan.oo gal leh, ku waa soo ku laran dhareer iyo qoyaan faraweyn, waxaana aad u jecel caruurta iyo gungubaha.

**Dhafaruur:** waa geed ka baxa dhulka aadka ukuluul, oo leh miro guduudan, macaan, miid leh, lakeydiyo xilliyada abaarta, waxaan ku jidha mirihiisa lafo jilicsan oo ku burbura gowsaha.

**Murcanyo:** waa geed gaagaaban oo kabaxa meela banaanka ah oo leh miro jilicsan oo labo-labo isku dhegan ama afa-rafra waxa ay leeyihiin dhareer ama qoyaan ku maran, macaan iyo miid.

**Murcud:** waa geed kor u baxa, oo leh Miro buur-buuran, macaan, lafleh iyo miid aad iyo aad ubadan, waana geed halis ah waayo waxaa had iyo jeer deris la' ah gungumaha, abeesada iyo wixii la'hal maala.

**Rooxo:** waa geed ku dhafan dhirta kale oo aan keli bixin, waxaa uu leeyahay Miro marka ay qararka<sup>2</sup> yihiin u eg qaraha oo yar-yar waxa uuna ku bislaadaa geedka dushiisa ama qaranimadiisa oo dhulka lageliyo.

**Xamur:** geedkani waa geed Miro macaan had iyo jeerna ka baxa meelaha siman iyo jeexyada, waxa uuna leeyahay Miro laf leh, qaybihiisa waxay kala yihiin, *xamur macaan, xamur dawaco* waana ka aadka u mira qaraar

**Timir:** waa geed ka baxa meelah kulul, aad iyo aadna ucimri dheer, waxa uu leeyahay Miro macaan, oo ku baxa waqti iyo kal u gaar ah

**Gud:** geedkani waa geed aad iyo aad uga baxa gobolada mudug ama dhulka carra casta ah, waxaana laga helaa Miro loo yaqaano “yicib”

**Berde:** berduhu waxa uu leeyahay Miro, buurbuuran, macaan, waxa uu ka baxa dhulka buura leh, togagga, nugaasha ama dhoodida, waxaa kaloo laga helaa mayrax ama dhuub, waana geed quwaax.

**Daray:** geedkani waa geed leh higil iyo humaaag aad iyo aad u muuqada, sidookale waxa uu ka baxaa dhulka Bahgooyada ah, had iyo jeer waxaa uu can ku yahay in uu kabaxo dhuuxyada, togagga, biyamareenka, jeexyada, dedibka, waxaa cuna mirihiisa dadka, daayeerka iyo xayawaano kale, waxa uu leeyahay caleen waa weyn iyo jirrid ballaaran, sidoo kale waxa uu laayahay *cannano ama caano* sida berdda ha

**Dhebi:** geedkani waxa uu ka baxa dhulka buuraleyda ah, waxa uuna leeyahay qaybo kala duwan sida *dhebi cadde, dhebi madoobe*, waxaa laga helaa ama laga gurtaa, Miro macaan, ulo, dhigo, han-goolo iyo wixii la mid ah.

**Shoy:** geedkani waxa uu kabaxaa buuraha cal madow, waana geed aad iyo aad umiro macaan, waxaa jecil oo had iyo jeer kulaaya dadka “*shabeelka*’ geedkani waxa uu ubaxaa kor ama waa geed dheer oo yeesha laamo farabadan, mirihiisu waa madow khunti ah, waxaa laga qaadaa xanuunka “*daba dhiigta*” ama shuban

**Mareer:** geedkani waa geed layaab leh waan geed quruxbadan, oo kabaxa meela togagga ah, buuraleyda, dixda, waana geed Miro macaan. Waxa uu leeyahay miro *guduudan, yaryar, dhareer* leh, miid leh, u wanaagsan *xaglaha* iyo *lugaha dadka* waa wayn .

**Canjeel:** geedkani waxaa uu ka baxaa ama ku badan yahay gobolda bari ,sidoo kale waa geed facweyn , oo uu cumrigiisu aad iyo aad uraago , waxa uu leeyahay miro badan oo buur-buuranwaxa uu bixiyaa *xay* ama *man* oo ay aad ujeceshaahay *shinnidu*, waxa ayna ka samaysaa *malabka* ,miraha canjeelka waa lacunaa, waana geed miro macaan,waxa uuna maraa qaybo kala duwan .

**Garas:** geedkani waa geed ka baxa dhulka looyaqaan macagta iyo meelaha loolka leh, waxa uu leeyahay *caleen, laamowaaweyn*, waxaa laga helaa ama laga gurtaa *Miro*

**Caday:** geed Kan mirihiisu horay uma bislaadaan, waxaa jecel daayeerka oo dushiisa seexda habeenkii, waxa laga gurtaa caday.

**Milxiddo:** mil-xiddadu waxa ay ka baxdaa buuraha cal-madow waana geed aad umiro qaraar, *had iyo jeer* waxaa cuna *daayeerka*, mirihiisu waxa ay u egyihiintimirta dhanka *.samysaka, dhererka, joogga, dhacaanka, miidda, muuqa*, waxa uu can ku yahay qaraarka iyo dacarta saran mirihiisa, carruurto waxay ay ka qaadaan “*daba dhiig*” waxaana la cunaa xilliyada ay jidho *baahidu ama abaarta*, waxaa uuna baxaa xilliyada kala guurka ama laka *hayaamo* oo ku aaddan waqtiga abaarta

**Berdayaro:** geedkani waxa uu ka baxaa meelah uu kabaxo berdduhu waana geed ka gaaban berdaha, kana tayo liitadhanka *mirha, muuqa, malaha dhuub iyo mayrax* sida berdaha waxaa laga helaa *miro gaagaaban ama yar-yar*, waxaa kaloo laga helaa cannada lau *marqo xoolaha*.Waxaa kaloo jidha dhir farabadan oo laga qoro agabka sida, *mooliga, daabaanta, deyibka, dharkayka, xagarka*, sidoo kale waxaa jidha dhir laga helo ama laga gurto asalka sida: *galoolka, qaroonta, moxorka iyo wixii la’mid ah*

## XIJIGA

waa geedka kabaxa dhulka dal udug loo yaqaano, waana geed facweyn oo soo jireen ah, waxaan shaki ku jirin in uu yahay xijogu midka mid ah kaabayaasha dhaqaalaha ee dal udug, soomalidii hore iyo tan hadda joogtaba waxa yak u tiisan tahay gurashada beeyada ama saraca geedkan, waxaa la sheegaa geedkani in uu yahay geed qiimo weyn ugu fadhiyey dhamman dowladiihii soomaali gumaysan jiray, waayowaa hal-bowle dhaqaale.

Sidoo kale waxaa laga sameeyaaa daawooyin, geedkani waa mid ka baxa buuraha calmadow iyo buuraha cal miskaaad, waxa uu kala baxaa geedkani laba qaybood ookala ah , mayddi (*yagcar*)

**Maydi:** waa Kan gaagaaban oo ka baxa buuraha *cal madow*, waana geedka caanaha badan, ama madi ah, waana ka qaalisan yahay Kan kale, geedkani waxaa uu ka baxaa had iyo jeer dhadhaabaha iyo meelha gaagaaban waana ka howl yaryahay moxorka.

**Moxor:** geedkani waa geedka ka baxa buuraha calmadow ama meelaha dhaadheer sida: *jararka haadaamaha*, waana ka caana yar-yahay maydiga ama waa ka raqiisan-yahay dhanka *qiimaha, tayada, xabagta, saraca, badeecadda* iyo wixii lahal maaha.

## AGABKA XIJIGGA OO KOOBAN

**Mingaaf:** waa walaxda lagu sarco geedka ama lagu jaro xabagta, waxaana loo sameeyaa daab laba dhinac leh ama laba gees le ah, **Dhuraad:**waa walax yar ama kolay kooban oo geedka lagaga soo qaado xabagta, lagagana wareejiyo markuu buuxasamo midka weyn , **kolay:** waa walaxa lagu biiriyo beeyada ama xabagta geedka oo maalintaa lasoo gooyo, **Kefed:** kefeddu waa ka weyn-tahay kolayga waxaana la dhigaa meel *hal-bowle* ah oo waxaa lagu ururuyaa dhammaan wixii lasoo gooyo maalin soofka , **Malawiyo:** waa maryo calal ah ama basas ah oo lagu guro xijoga

## HEERARKA IYO HABKA SARACA

Waxaa jira heerar uu maro geedka xijigu marka lasarcaayo waxaana ka mid kuwan soo socada

**Calaamad**-nagaf-waa saraca ugu horaya oo lagu sofo xijiga ayaa loo yaqaan magacyadan iyo kuwa kaleba

**Qolof qaad:** waa marka labaad oo lagu sofo geedka ama laga qubo qolofa Xijoga, qolof **qaad labaad:** waxaa looyaqaan marka labaad oo geedka la'qolof rido ama laga daadsho qolafta.

**Candhadhig:** waa marka uu geedku bislaado oo caanaha daadsho, amauu xabagta ka tuuro dhinacyada ayaa loo yaqaan magacan

**Kal:** waa muddada u dhexaysa laba sarac ama labo qolof rid, **Kalkal:** waa markuu kaabiga soo saaro waqtigii saracu dhowaa ama lagoynlahaa xabagta, **Caddillan:** waxaa loo yaqaan markuu geedku dhaafo kal-kiisa **Cawlalood**-ceeriin-waa marka uu geedku uu san diyaar u noqon qolof qaadka.

**Cogor:** waa xijiga oo ka raga saraca uguyaaran laba sano iyo wxii lamid ah.

1. **Raas:** waa raashnka xijiga oo ay dheefsadaan dadka gura xijiga
2. **Cawaaji:** waxaa loo yaqaan “ maqdac” oo ah kirada xijiga
3. **Xoog-bar:** waa hab ka mid kirada kirada xijiga
4. **Soof:** waa xijiga kooban lagu soo fikaro maal keliya
5. **Laba soof :** waa xiji ka badan kii hore oo qaada kara laba soof
6. **Fadhi:** waa xiji ka badan kii labada hore
7. **Jadar “hool”** wa marka ugu dameeya oo laga hoolo beeyada geedka
8. **Luf:** wa haraaga xabagta iyo luf-lufka ku hara geedka
9. **Faleen:** waa magac guud oo looyaqaan marka ladhoofinayo beeyadam ,murkudda, falax-falaxda, caaryada

Xijigu waxaa geed le dheef, lagana helo hanti iyo maal mugleh, waxa ay leedahay xabgtu qaybo kala duwan, sida: mushaad, mujarwal, fakabiir, fas-saqiir, shooto iyo foox

## GUDDA

Geedkan guddu waxa uukamid yahay dhirta sida dabiiciga ah u baxda ASE ah geed abaareed, Miraha geedkan waxa loyaqaanaa “**yicib**” geedkana waa ku dhalad somaliya iyo Ethobiya waxaa se laga beeraa wadamada kenya, **israa’iil**, **tansaaniya**, **suudaan** iyo wadanka yaman

## MEELAHA UU KA BOXO

geedkan waxa uu ka baxaa meelo badan oo giyigeena ka mid ah balse waxaaaad laga helaa bariga Ethoobiya “ismaamulka somalida” siiba goboldkadoolo gaar ahaan degmada “Bookh” waxaa kale o laga hela dagmoyin ay kamidyihiin **mareed**, **mirafadle**, **dudun**, **dameer-joog**, **afar-irdood** iyo dagmadagalladi, Somaliya waxaa uu aad uga bax daa gobolada dhexe siiba gobolka mudugdegmada galdogob tuulooyin hoos yimaada sida qansaxle, daarasalaan iyofocacyade, laga bilaabo gobolka hiiraan ilaa iyo galguduud geedkanwaa uu ka baxaa

## SIDA UU U BOXO

waa geed sida dharta oo kale ayuu u biqla abuurkiisa waxaa loo yaqaan “cisalaw” wuxuu noqdaa geed yar oo xooluhu daaqaan wuxuuna ubaxa uguhoreeya saaraa marka uu gaaro 5 ilaa 6 sano kadibna wuxuu isu badalaa sitartiib tartiib ah geed dhamaystiran. Waxayna bixitaanka mirahageekaani maraan heerarkan soo socda:

**Ubox:** waa marka ugu horaysa ee roobku ku hooro, **Cir-ujeed:** waa marka ay tahay curdan oo ay dhaaftay heerka ubaxa, **Balag:** waa marka aysan wali yeelan beer. Markaas cunitaankeedu waakharaar waayo wali marka la saarmin duubkii iyo qofti uu u samaysna, **Ciddi-libaa:** waa marka uu hoos u jeesto laakiin uu san balag gaarin, uu sanna beer ku tufin, **Beer-kutuf:** waa marka aysan si fiican u yeelan beer, **Uur-guduud:** waa marka uu dhamaystirmo beerku gaarona xiligii goynta, **Dib-uday:** waa marka uu ku daaho geedka oo uu madoobaado, marna ay, dhacdo in uu dhulka kudaato bisayl awgiis waana marka uu ugu macaanyahay waxaan looyaqaan “**jalow**”, **Gees:** waa marka uu leeyahay qolof sare iyo tu kahoosayso oo ladheho “xameeti”, **Kalmoon:** waa marka laga qaado qolofa sare o ladheho “**geeska**” lagunareebo xameetida, **Beer:** waa marka laga dhilo qolofa xameetida oo laga dhigo laboqalbac o cad cad oo aad u macaan

## QALABKA LAGU GURTO

waxaa jira qalab loogu talagalay in lagu gurto yicibta waxaana looyaqaan “adab” dharka lagu gutana waxaa ladhahaa “**dhaaraan**” marka ladhameeyo guritaanka ayaa la iska tuuraa.

## WAXTARKA GEEDKAN

geedkan waxaa loo adeeg sadaa dawaytan cuduro badan sidaxanuunada caloosha “**stomach disease**” kansarka “**cancer**” calool fadhiga “**constipation**”

Maansadan soo socota waxaa curiyey abwaan *cabdulaqaadir shube*, waxaa uu ku ilaafayaa qaar ka mid ah dhirta iyo qiimaheeda kala duwan waxa uu yidhi saatan:

Dhiroon qariyuu lahaa

Galool dhamacluulaha

Dhuux madow qurac buu lahaa

Dhaameel damaluu lahaa

Meygaag dhahriyuu lahaa

Dhallaag shilin buu lahaa

Dhegweyn dacaruu lahaa

Dhuumood iyo wacarri iyo

Dhummayo dugsi luu lahaa

Dhuyuca howd buu lahaa

Medhace lebi buu lahaa

Yaaq dhumuc weyn buu lahaa

Waqay dhamasuu lahaa

Dhalool u bax luu lahaa

Dhur miri saartuu lahaa

Dhuubaa daray buu lahaa

Cajeel dhugucuu lahaa



Berdi u dhigan buu lahaa  
Dhullaxa garas buu lahaa  
Gud dhiin u eg buu lahaa  
Dhuux adag xeeuu lahaa  
Dhigaal hohobuu lahaa  
Dhafaruur dhibca miidaliyo  
Gobiyo dhebi buu lahaa  
Dhallaynimo heeluu lahaa  
Sadkaxa dhowr midaba iyo  
Rooxada dhunkul uuluxdiyo  
Aneexo la dhuunyadiyo  
Marooro dhanaan yarliyo  
Gocoso dhay loo filiyoo  
Waanboo dhereguu lahaa  
Intaa soo dhiri ahayd  
Dhulkaykan hiduu lahaa  
Dadkii dhaqaybuu lahaa  
Ku dhaadan jiruu lahaa  
Dhakuunsanayuu lahaa  
Badiba dhintay buu lahaa  
Dhif yari ka haray buu lahaa  
Iyana dhibban buu lahaa  
Wixii dhumay buu lahaa

## JAAN TUS KOOBAN OO KU SAAN-SAN

Diraasad ku aadan dhirta kabaxad buuraha (calmadow) qaybaha baadka kabaxa dhulkaisku day inaad qeyxdo qayabahan soosocada: *doomaar, dureeme, sifaar, caws, bal, gocoso, burlab, yamays, duur, garrogargaro, fir, uurweyn, burdigaale, gadoomaad, digood,* gabaygan soo socda waxa uu ka mid yahay suugaanta yaabka iyo mucjisada leh waxa uu diiradda saaraya qiimaha dhirta iyo qaayaha ay leedahy , waxa aan ka qoray nin dhalinyaro ah oo eebbahy ku manaystay xukmad iyo murti waxaa waa nin warsangeli ah gaar ahaan “heesha Reer saalax” waxaa magaciisa la dhehaa ***Abwaan cabdiraxmaan cali faarax dhiirane*** taariikhu markay ahayd ayaan k aqoray ***13-7-2017*** waxa uuna yidhi saatan :

Maxamuud dhawaanow“**cali**”<sup>3</sup> waa meheradeenee.e  
 Mulkikuu ilaah dhigay jannaa lagu, masaalaaye  
 Waa maata koris dhaba nin kii maalikarayow.e  
 Mucjisaadka buuraha haddaan, dhab uga maansoodo  
 Muunada jawigu waa qabow lagu maqsuuudaa.e  
 Madiixa iyo cayryaantu waa moodda galabeede  
 Moqoradii xasowga biyaha muguci jiifaane  
 Moos iyo canbbe iyo waxaa ka baxa Miro qudaareede  
 Diyib muray manqaari iyo shey moore iyo aaxo  
 Mareerka iyo wegerka iyo dhebiga wada magoolaaya  
 Hamurka oo muraha lagu cusho iyo mooliga iyo dheenta  
 Madkarta iyo siraarta iyo yamxadam la’isku maageeray  
 Bal maroodi ruugga iyo dhasaqa midbaka keenaaya  
 Maayeerta iyo gaatirta iyo salamacdo muugleh  
 Maraaga iyo casaasada dhigruhu, meesha kula yaalo  
 Murcanyada iyo ayaahadu waa lamabo mataanoode  
 Moxorka iyo maydigu ka badan kuman malyuumaade

<sup>3</sup> : waxaa loola jeedaa buuraha cal madow

Mirrowga iyo saynsayga iyo midabka boodaarta  
 Mirriqsiga xalmuusha biyeys muruqle oo raacday  
 Man waraabir bixisay iyo dhalool ubuxu muuunayey  
 Murjista iyo adaahida shinnidu malabka beereyso  
 Muqlada iyo qaroontaa xarrago loo dhex marayaaye  
 Meygaaga baxay iyo gobkoo miro cas siidaayey  
 Miskiga iyo cillaanka iyo cadaad xabagtu miidayso  
 Milxiddada iyo gowlaalaha lagu mabsuudaaye  
 Magacyada dhirtaan sheegay oo maanka ka xusuustay  
 Iyo toban malyuun oo kale oo meesha kula yaalla  
 Manfaaciga ay leedahay haddaan qaybku maqashiiyo  
 Malmalka iyo beeyada ku Taal maydiga iyo fooxa  
 Murkudda iyo falaxfaalaxda iyo caaryo laga miso  
 Madagtoo dab laga dhaliyo oo lagu muraad oofsho  
 Mariidkoo colaadaha waramaha lasysu marinaayo  
 Musareen haddaad aragtid iyo mir iyo duufaane  
 Macayaan godad ah bey leedohoo, maalku kuu galo.e  
 Moobeel majirin iyo casriga laysku maamulo.e  
 Madar odayga joogaa hadduu cid umuraad yeesho  
 Mugdi wuxuu ku guurayn intuu deeb mullaaxsado.e  
 Maadooyinkani waa waxaan cid ka maarmayne  
 Maag-maaga buuraha Nin jecel wow macna la'aane

1) milxiddo.	52)qalaanqal
2) wayer	53)duqay
3) shoy	54)dankuug
4) berde	55)faacool
5) berdeyar	56)dhuur
6) dhicir	57)qaalmalugud
7) xiis	58)jaleelo
8) cobol.	59)caraacar
9) mooli	60)xiirin
10)dharkayn	61)soone
11)dhasaq.	62)dufnood
12)cadaad	63)cayo
13)sarmaan	64)kabaqoys
14)dhamas.	65)yamaarug
15)damal	66)maraa
16)qurac	67)maayeer
17)qansax	68)xeesyeeelo
18)daabaan	69)geed gaal
19)carmo	70)falaxfax
20)murcud	71)xagar..
21)moxor	72)xagagar
22)maydi	73)ceequad.
23)qaroon	74)qarraro
24)bilcil	75)qaroon
25)adaahi.	76)barrow
26)mareer.	77)dhumay
27)dhebi	78)weylasubke
28)murcanyo.	79)yabxadad
29)dhafaruur	80)hoos uhar
30)xamur	81)balanbal
31)gob.	82)huwan
32)gumar..	83)geedxamar
33)qalaanqal.	84)dhaadi
34)tarraxo.	85)ilcas
35)salamac	86)jidiid
36)hunbul	87)weyrax
37)ilkacaddays	88)gubungub
38)maroodiruug	89)hareeri
39)docol.	90)higlo
40)gudda..	91)caday
41)mooli.	92)saar
42)dheen	93)marmareersan
43)daray	94)marqafur
44)dhuumood	95)laamanlooyo
45)geed gaal	96)jiic

46)gaacir 47)baynax 48)oodkaco 49)qodaxlooloho 50)yooco 51)garska	97)maqaari 98)barrow 99)qadhajaa 100) warwar 101) deyib 102) xiis
--	--

1. ashacad 2. argeeg 3. askax 4. baar 5. baaxuur 6. babaay 7. badhi-booto 8. bal 9. balanbaal 10. barde 11. barkin dhurwaa 12. baxar saaf 13. beeru u eke 14. beeyo 15. biile 16. bilcil 17. bisiq 18. booco 19. booga dhaye 20. bugle 21. buhood 22. bun 23. cadaad 24. caday 25. cagaar 26. canbe 27. canjeel	101. madheedh 102. madheedh qoox 103. majabe 104. malmal 105. mandooye 106. maraa 107. marmar 108. mawe 109. mayay 110. maxaansugaa 111. may subag 112. maygaag 113. midhafur 114. mirdhis 115. mirimiri 116. moos 117. ontor 118. qabo 119. qadow 120. qalaanqal 121. qalfoon 122. qansax 123. qarari 124. qare 125. qare dameeraad 126. qaydar 127. qudhac
---	--

28.carmo	128. qundho
29.cayo	129. raqay
30.ciid	130. ridhmo
31.ciin	131. sabansabdho
32.cilal	132. salaalmaco
33.dacar	133. sarin
34.dal	134. sarmaan
35.damanyuluq	135. sarmaanyo
36.dano	136. siiq
37.dareemo	137. tawaad
38.dhafaruur	138. timir
39.dhagmaanyo	139. tincad
40.dhamas	140. tiin
41.dhammaajo	141. tukelalmis
42.dharkayn	142. uneexo
43.dhay	143. urundhi
44.dhebi	144. wacanri
45.dheen	145. wadhi
46.dhidin	146. washaaqaar
47.dhigri	147. xagar
48.dhiigsaar	148. xajiin
49.dhikil	149. xamakoow
50.dhirindhir	150. xamudh
51.dhunkaal	151. xangeeyo
52.dhurbo	152. xankookib
53.dhuundhas	153. xaskul
54.dhuur	154. ximre
55.dhuuse ure	155. xoday
56.dhuyac	156. xule
57.digir	157. xumboox
58.dixi	158. yaanyo
59.doofaarqod	159. yaaq
60.doonbir	160. yamaarug
61.duur	161. yicib
62.faramog	162. yucub
63.gaad	163. galiile
64.gabaldaye	164. galool
65.gabro	165. gasaangas
66.gacandhi	166. gawlale
67.gahaydh	167. garawle
68.geed-hindi	168. geedharag ashacad
69.gob	169. askax
70.gogobe	170. bacalol
71.gomashe	171. bacaroor
72.goosay	172. carmo

73.gubtaanyo	173. ciid
74.gumar	174. dhaboobo
75.gumre	175. dhafaruur
76.hadi	176. garas
77.handhurwaa	177. gomashe
78.hareeri	178. goosay
79.higlo	179. himir
80.himir	180. hohob
81.hohob	181. ilgeesh
82.ilgeesh	182. jinow/caleenta
83.ilko caddeeye	183. madheedh
84.iriir	184. maygaag
85.jadeer	185. Qaranri/afbuq.
86.jaad	186. tukalalmis
87.jaleefan	187. uneexo
88.jaleelo	188. wancari
89.jarmi	189. xajiin
90.jeerin	190. yicib
91.jiic	191. beeyo
92.jillab	192. caadaded
93.kabxan	193. cadaad
94.kariir	194. dhidin
95.labi	195. foom
96.liin	196. hadi
97.liin dhanaan	197. malmal
98.like	198. midhafur
99.maadh	199. xabag hadi
100. madaxbuq	

## SOOYAALKA AGABKA SOOMAALIDA

*Guri baanuu leenahay  
U eg maabka guudoo  
Aan dunida laga garan  
“Yam-yam”*

Waxa uu ka kooban yahay Aqal soomaaligu qaybo kala duwan oo loo yaqaano magacyo kala gwaddisan hadaba aan jaleecno qaybaha Aqal soomaaliaga:

**Ded “saari”:**waa wixii wax lagu dedo oo laga saaro aqalka kor ama dusha waxa ayna ka kooban yihiinkuwan soo socada, hadaba iskuaday inaad qeyxdo iyo inaad sheegto waxa ay ka samaysan yihiin, **dermooyin:** waxa laga samayyaa cowada sida mayrada, **caws:** waxa laga sameeyaa dhirata “gargarada”, **loomooyin:** waxaa laga samayyaa cawda ama mayrada, **jerco:** waxaa laga bixiyaa saanta geela iyo tan lo’da

**Qabax“qori”**waa waxa uu ku taagan yahay aqal soomaaligu waxaana kamid ah waxyaalahan soosocada, hadaba iskuaday inaad qeyxdo iyo inaad sheegto waxa ay ka samaysan yihiin, **udbo**“waxa laga qoraa dhirta sida, geedka deiyibka, **kabaalo;** waxaa laga qoraa dhirta sida: geedka mooliga, dhigaha; waxaa laga sameeyaa dhirata sida: geedka dhebiga, **loolka:** waxa laga sameeya aa dhirta: sida “dhumayga, sifaarka,

**Gur-gur “cugaar”**Waxa loo yaqaanaa wax kasta oo yaalla aqalka hoostiisa waxaana kamid ah kuwan soo socada, hadaba iskuaday inaad qeyxdo iyo inaad sheegto waxa ay ka samaysan yihiin, **haamo:** waxaa laga tolaa cowda ,iyo wxii la hal maala , **dhiilo:** waxaa laga tolaa cowda,qabo , **qufado:** waxaa laga samayyaa cawda iyo wixii la hal maala, **doobiyo :** waxaa laga samayyaa cawda iyo dirqida ,daliigta, **shended:** waxaa loo yaqaanaa boorso, **duubishiyo:** waa maryo lagu duubo cugaarta , **satiyo:** waxaa laga samayya cawda , **xeerooyin:** waxaa laga samayyaa dhirta ,**kebdo;** waxaa laga sameeyaa suufafka ama maryaha

**Yeesha:** waa xargaha lagu dhiso aqalka, laguna xirxiro dhammaan agabka aan soo sheegay waxaana kamid ah kuwan soo socada, sidoo kale waxaa jira xarkao kale ooloo adeegsado adegyo klae sida rarida, dhaanka, safarka, hadaba iskuaday inaad qeyxdo iyo inaad sheegto waxa ay ka samaysan yihiin, **garar”:** waa xakaha loo adeegsado dhismaha guriga



**Dhegaatiyo:** waa xarkaha loo adeegsado qaarka mid ah dhismaha guriga, **hoosin:** waa xarigga lagu hoosimo ratiga marka la'raro, **xeerar:** waa qaar ka mid ah xarka loo adeegsado dhismaha oo lagaga gadaamo guriga dhinacyada, **cayn;** waa xarigga lagu caynsho awrka ama ratiga.

**Bayd:** waa xarigga looga dhigo ama lagag xiro awrka surkiisa “baydda”, **dhafaro:** waa xarig lagu rara awrka ama ugaar ah , Waxaa jira qalab farabadan oo ay soomaalidu adeegsato had iyo gaaraale, waxaana ka mid ah mid wax lagu cuno iyo mad wax lagu qaatoba, sikastaba ahnoqotee qalbkani waa halbowlaha nolosha ummadda soomaaliyeeyd, hadaba iskuaday inaad qeyxdo iyo inaad sheegto waxa ay ka samaysan yihiin:

## CUNTADA

Waxa ay leedahay soomaalidu agab ugaar ah oo laga samayyo dhirta ka baxda dalka soomaaliya waxaan ugu caansan kuwan: **xeero:** waxa lagu ridan jirey wax allaale wixii raashin ah, **fandhaal:** waxa lagu cunijirey cuntada sida: (malqacadda)

## CAANAHA IYO SUBAGA

waxa ay leeyihiin ummadda soomaaliyeed hogor ugaar ah oo ay u adeegsadaan dhammaan meesiyada kala duwan oo laga maalo caanaha, waxa ayna ka samayyaan hogorkaas, hargaha xoolaha, dhirta, sida: cawda, daliigta iyo wixii la halmaala waxaana ka mid ah kuwan soo socda:**gaawaha:**waxaa lagu maalaa geela, **gocayga:**waxaa lagu maalaa lo'da, **dhiilaha:** waxaa lagu dhigta, **doobiyada:** waxaa lagu lisijirey riyaha , **haamaha:** waxa lagu lulaa caanaha riya iyo kuw lo'da , **sibraarka;** waxa loo isticmaali jirey keydka caanaha geela , **qunbbe:**waxaa lagu shubaa subaga ama oodkaca ‘muqmad, **qudde:** waa fandhaal loo adeegsado subaga iyo muqmad

## BIYAHA

sidoo kale soomaalidu waxa ay leeyihiin weel ugaar ah oo loo adeegsado biyaha iyo dhaanka, **qaraabta:** waxaa lagu dhaansadaa biyaha lagana sameeya haragga riyaha, **xabka:** waxaa lagu dhaanshaa biyaha “qarbad”, **dhikil:** waxaa loo yaqaan xabka “yar”, **geddi :** waa xabka aadkiyo aadka u” weyn”, **wadaan:** waxaa lagu waraabshaa geela iyo dhammaan xoolaha, **dhoomo:** waxaa lagu shubtaa biyaha

## HUBKA

Waxa ay soomaalidu leedahay hub iyo agab ugaar ah oo ay ku diriraan waxaana laga samayn jirey dhirta iyo birta, taa suna waxa ay ahayd farsano ugaar ah soomaalida, waxaana ka mid ah:

**Qaansada:** waxaa laga samayyaa dhirta xoodantada ama jilicsan , **leebka:** waxaa laga qoraa dhirta aan dhuuxa lahay **fallaarta:** waxaa loo yaqaan fallaarta “leebka” , **warafka:** waxaa laga samayyaa mayraxda berdaha, **dhexdaloolka:** waxaa laga samayyaa mayraxada , **hangoolka:**waxaa laga qoraa dhirta,dhebiga, **baakooradda:** waxaa laga qoraa dhirta , **huurta:** waa ul laga jaro dhirta oo laxardho ,lana qurxiyo , **budh:** waa ul weyn oo loo samayyo madax ama sur buuran, **garuuun:**waa u lama waxaa loo yaqaanaa budh, **dhebi:** waa ul ama waa geedka laga jaro ulaha .

**Dhenged:** waxaa loo yaqaan ul yar oo dhuub oo lagu kaxayyo geelasarwaan: waa dhenged dhuuban oo la mid ah usha, waxa ay soomaalidu ku can baxday farsamada iyo far-shaxannimada gaarka u ah waxa ayna samaysanjireen agan ka samaysan bir oo ay gaar u lahaayey ama halala wadaago, waxaase faan ugu filan in ay iyagu samaysan jireen, waxaana ka mid ah ku wan soo socda: **ableyda**waxaa loo yaqaan, tooreey, billaawe iyo gol -xob, **faaska:** waxaa laga tumaa birta.

**Godinta:** waxaa laga tumaa sidoo kale birta”, **quraarta:** waa godin yar oo loo adeegsado “qorista”, **waran:** waxaa laga sameeyaa ama laga tumaa birta , **gamaska:** waxaa laga sameeyaa ama laga tumaa birta , **gumuca:** waxaa laga sameeyaa ama laga tumaa birta , **taraawilka:** waxaa laga sameeyaa ama laga tumaa birta , **madanada:** waxaa laga sameeyaa ama laga tumaa birta , **minkaafka:** waxaa laga sameeyaa ama laga tumaa birta , **maxaarka:** waxaa laga tumaa birta waana farsamo , **mudaca:** waxaan lagumaa birta sidoo kale waa farsamo

## XARAGADA

Waxa jidha agab ay soomaalidu leedahay oo ay u adeegsato xaragada iyo quruxda waxaana ka mid ah ku wan soo socada: **saqfo:** waxaa lagu shanlaystaa timaha waxaana laga samayyaa dhirta, **barkin:** waa labarkada waxaana lagasamyaa dhirta, **kashkaash:** waxaa la dhigaa guriga gudihiiisa waxaana laga gura “xowska, dankuugga, caleenta moolaga

## AGABKA HOWL-QABADKA

Waxa ay soomaalidu leedahay agab ay u adeegsadaan howsha iyo shaqada, guriga, xerada, xoolaha iyo wixii la mid ah sida, **mafiiq:** waxaa laga samayyaa dhirta, waxana loo adeegsadaa in lagu xaago guryaga, **diga-xaar.** Waxaa lagag xaaraa xoolaha digada ama degelka, **aloolka:** waxaa laga samayyaa dhirta waxaana loo adeegsadaa digada xoolaha, **koorta:** waxaan laga qoraa dhirta, waxaana lagu xiraa geela, “**boodaan**” “**xabuub**” “**aleen**” “**aleen xoogle**” (codkeedana waxaa loo yaqaan “**dawan**”

Agabka loo adeegsado rarada owrta iyo wixii la’halmaal: waxaa jira agab farabadan oo loo adeegsado rarka owrta, sidoo kale waxaa jira magacyo loo yaqaan agabkaas, hadaba isku aday inaad qeyxdo iyo inaad wax sheegto waxana ka mid ah kuwan soo socad: **lac:** waa sheyka ugu horayya oo lagu heeryeeyo awka, **kebed:** waxaa laga samayyaa suufafak waxaana lagu xejiyaa lacda, **koore:** waxaa lagu raraa awrka marka la dhaaminayo, **dermo:** waxa lagu dedaa aqlka awrkana waa lagu rarar geeddiga.

**Dhafar:** waa xarigga lagu dhafro ratiga marka lararaayo, **hoosin:** waa xarigga lagu hoomiso jercada awrka, **cayn:** waa xarigga lagu caynsho awrka “yeel”, **bayd:** waa xariga lagu baydiyo awrka “yeel”, **dabagelis:** waa xarigga lagag xiro awrkaka badaba “xejiye”, **dabar:** waa xarigga lagu dabro awka ama lagu xiro ratiga, **galansi:** waa hoggaanka ama galaaminta hayinka, Jaalle waxa aan ku soo afmeeraya ricirkan maanso uu curiyey *Abwaan: cabdulqaadir cabdi shube*

Weynaan dhaagine dadyohow

Abkeen dhaqan buu lahaa

Dhabiil tabcashuu lahaa

Dhaqaale gunuu lahaa

Is dheeli tiruu lahaa

Dhismiyo aqal buu lahaa

Dhig iyo udub buu lahaa

Yeel iyo dhafarbuu lahaa

Dhoon iyo kalax buu lahaa  
Dhiiloowe yar buu lahaa  
Haruub dhoqoluu lahaa  
Kor yaal dheeguu lahaa  
Tebbed u dhigantuu lahaa  
Fan dhal dhumisuu lahaa  
Dheriyo xeeruu lahaa  
Haan weynuu dhaansadiyo  
Biriyo dhakal buu lahaa  
Darfacas lagu dhuugsadiyo  
Jeex googol la dhigtuu lahaa  
Dhanbaal ka yarbuu lahaa  
Qayraan dhuun yuu lahaa  
Intaas oo dhaabbadood  
Intaas oo dhaqanahay  
Murwadii dhidibtuu lahaa  
Dhammaan tacabtuu lahaa  
Dhistee gogoshuu lahaa  
Dhaydee asashuu lahaa  
Dhaqaalaysuu lahaa  
Ku dhaadan jirtuu lahaa  
Haddana dhaaftuu lahaa  
Wixii dhumay buu lahaa  
Dhabeey googaa markale

## GUNAANAD

Jaalle waxa aan soo dhex-maaxney labo ricir oo kala ah: **sooyaalkadhirta, sooyaalka agabka soomaalida**, iyo wixii Eebbi inoo sahley inaan u soo gudbinio dhallaanka soomaaliyeed meel kasta oo ay joogan. sidoo kale jaalle waxa aan ku soo afmeeraya socdaalkan gaaban maanso aan curiyey hilaaddii. 1-3-2015. Maansadani *Qabatoon*, waxa ay ka hadleysaa dhibaataada qaadka iyo Arrimaha uu ku hayo *Bul-shada soomaaliyeed*, maadaama uu yahay Qaadku geed, inana aan horay uga soo hadalnayn qiimaha dhirta, waxa ayna leedahay sidatan soo socota:

Inuu qaadku qurun yahay  
 Inuu qaadku hoog yahay  
 Qoroon gubatey inuu yahay  
 Inuu qaydar ololiyoo  
 Qiiq iyo wax daran yahay  
 Qalbigana u daranyahay  
 Quruumu ku go ayaan  
 Taasu waa qiyaas dhaba  
 Qadaf beena maa hee  
 Waa qaran go' aankii

Inuu qaadku qurun yahay  
 Qaran dumiye inuu yahay  
 Qabiil kana u sahay sahay  
 Qaxa waa hirgeliyaa  
 Nafta waa qur gooyaa  
 Qaadkana mid kii cuna  
 Qaflad buu ku beeraa  
 Qaafil buu ka yeelaa  
 Qoyskuu ka dumiyaa  
 Qaraabadii ka gooyaa  
 Aayadaha qur aan kiyo  
 Qowlkii rasuulkiyo

Qaafnimaan la barimbaa  
 Qaad quud ka yeeshee  
 Qaaddiid hadduu yim  
 Qardho uu ku sugan yahay  
 Maxaa loo qayilayaa ??

Ninka qaadka cunayoow  
 Qowlyar baan ku dhehayaa  
 Qaanuunka lagu qoray  
 Qaamuuska lagu daray  
 Qafladbaa ku sugan tahay  
 Qahar baa ku sugantahay  
 Qandhar doqona baat tahay  
 Qalad baa ku socotaa  
 Qoryo raamsi garataye  
 Waadigaa qal-dhacayoo  
 Duhurkii qaloonbiya  
 Sida adhi qamaamo  
 Qalwi beerka geliyee  
 Bal inaad qundurad tahay  
 Qajeel waad ka marantahay  
 Maxaa qaadka kugu raray

Aayadaha qur aan kiyo  
 Qowlkii rasuulkiyo  
 Qaafnimaan la barimbaa  
 Qaad quud ka yeeshee  
 Qaaddiid hadduu yimi  
 Qardho uu ku sugan yahay  
 Maxaa loo qayilaya  
 Qadakale waxay tahay  
 Qaaddiid hadduu yimid  
 Quruumaha lawada shiray  
 Maxaa loo qayilayaa  
 Qaadka loo danbidayaa  
 Laysu qoonsanaayaa  
 Qadaf beena maa hee  
 Waa qaran go' aankii

Ma qaadbaa ma daaqbaa??  
 Ma quudbaa ma' quullaa??  
 Ma' qaanbaa ma dheefbaa??  
 Ma' qoryaha mutuxanbaa??  
 Ma' qaroon lashidaybaa?  
 Ma' qobcada ladaaqaa??  
 Wuxu quud ka dheeraa??  
 Ma 'xaaraan qayaxanbaa??  
 Nafta lagu qancinayaa??  
 Ma' quraan dhurwaabaa  
 Qarsoodiga habeenimo  
 Waxa lagu quraamaa  
 Ma' qiil baad u haysaan  
 Maydinkaa qaddarinkara??

Maxamuud Cali aadan hoorri gacan-yare  
*Jaalle .Amaana Alla*